



092360

止齋先生文集卷之六

律詩

桂陽勸農

雨耨風耕病汝多，誰將一一手摩挲。幸因奉令來循壟，恨不分勞去荷蓑。涼德未知年熟不，微官其奈月椿何。殷勤父老曾無補，待放腰鎌與醉歌。

九日奉呈同僚四絕句

澤國重陽花較遲，得花雖口口愁余。家家人醉雞豚社，獨對西風憶鱸魚。

小雨廉纖僅滑泥，強隨年少更攀躋。欲憑最上浮圖望，晚稻如今齊未齊。

臨風遮莫晚山佳，自古功名看鬢華。幸自不知余種種，可教容易落烏紗。

止齋文集卷之六

領客山危亦既權，故人往往去歸班。明年此會知誰肯，爲上吳山望楚山。
教授將赴關發
司亦旦夕解官

郴守丁端叔以九日詩至次韻奉酬

十年不見尋常事，九日相違咫尺間。橙蟹渠能追勝賞，麩牲孰與奉慈顏。逝將酒坵更酬酢，仁可詩筒畧往還。新將適閩臨遣罷，鹿頭吾待望吳山。

丁端叔和九日詩至用韻奉謝恤鄰之義且申前請

壯不如人老更遲，可憐赤口口宗余。鄉微膚使賢方伯，誰激西江活鮒魚。

生怕遄歸趁紫泥，緣危方藉得同躋。交鄰誼與春秋並，應許臧孫數告齊。

夏畦不病晚葢佳，芻矣將詩補黍華。散百爲千吾寫似，深



山窮谷徧籠紗

不因與國近交歡冰齒相從髮已班多見長才無肯瘖豈
辭一簣竟爲山

再用前韻簡丁端叔

乞鄰亟只報何遲愁絕飢毗一勝余上有加飡下相憶莫
同汎汎寄雙魚

閉關饒著一丸泥我亦前扳更後躋四海弟兄君看取詩
風不斷鴈行齊

事到難時意轉佳聲名早已動皇華撥煩自古書生短只
合橫經住絳紗

繇吳入楚共悲歡懷欲班荆竟未班直待還艫願銜尾洞
庭彭蠡浪如山

和丁端叔竹梅二詩韻

端叔於庭前對
梅植竹八竿

止齋文集卷之六

二

空堦琤若下琅玕全楚何人巧耐寒誰伴八龍長傲雪蕭
然一榻臥袁安

管領春風別有天不論水際與山巔祝融玉立湖湘凍獨
付寒梢笑粲然

丁端叔送牡丹以詩來用韻酬之

學

元作

省他年見一班老從湖海看春頰瞻言百里幾相

及仰止高山竟莫攀每事乞公留上策不才容我著中間
一時公論方當路愁爲絲麻棄蒯菅

客來談政已班班况復書滕一再頌亦欲頡頏相上下不

安正堂

本作又容分寸得躋攀花猶河洛承平後

元缺从
陳本

詩在黃

陳輩行間簿領役人塵撲面沃如雲霧下茅菅

和丁端叔歲晚書懷韻

來涂藍縷雪埋人三百於今又六旬奏課定應書下下班

春聊復喜津津餘蔬被壤農亡恙茂草連扉盜自新曳杖
鹿頭時極目炊煙齊起兩州民

丁端叔送海錯以詩來用韻酬之

澤魚山豕各忘年味可勝窮總所便堪笑荆吳相俎豆遂
令蠻觸自矛鋌食無誤蟹車同軌貢不徵蚶澤漏泉我在
窮山人迹罕亦蒙惟錯饋甘鮮

酬王判官和九日韻一以歸德於部使者二寄柳

州使君三以爲謝四奉留也

皇華六轡按倭遲博採參差到接余

詩注若菜接余也

我獨內慚

無具甚萬家亦免釜生魚

想懸柳桂一雲泥夫子聲名正日躋乞與早移河內粟牙
牌歸聽報班齊

翩翩公子一何佳銜命窮山薄歲華獨自把將詩過日不

止齋文集卷之六

三

知梅影下窗紗

懷自何年晚見歡匆匆惜已馬

元缺从陳本

聲班青芻白飶吾

何有風月猶堪倒玉山

戊申臘桂陽喜雪

月不能明雨卻稀山容野色夜輝輝清霄下際雙瓊闕仙
仗前驅萬玉如亘古嶺旁冬不到從今湖外歲無饑來年
此日吾何適蓑笠寒江一釣磯

再用喜雪韻一以書懷一以喜客

南人見雪古來稀見只愁吟草木輝留嚙瓊毛窮漢使說
開圍角老胡如我嘗豪健能無褐今已衰遲要不饑北望
鴈門腸欲斷春蒲空老舊漁磯

瘴雨蠻煙此後稀山童亦與借餘輝爭看狂穉相呼喚下
啄飢烏自匹妃苦乏貂裘堪夜永喜無蠅子著冬饑興來

那況山陰客爲我扁舟倚石磯

題范秀才萬卷堂

雅尚時相背幽棲我數過兒應看客慣田孰與書多自析
唐柳縣誰聯漢甲科儒門今有此天意定如何

和段君仲衡同令嗣天晴少出之作

文字時高下功名勢去來誰人堪語此吾道竟懷哉攜幼
安容膝巡簷笑索梅巷門通後圃今數爲君開

陳頤剛注孫子許拾遺贈詩用韻寄之

千帆過盡獨舟沈玩世麴躡息深何自著書今白髮不
禁戀闕此丹心詩來滄海珠盈把人在掖垣梧十尋應爲
一編三致意細論小雅到交侵

和段仲衡譙樓新軍額二首

潘帥德鄰爲書軍額以立春日揭之

筆落元戎重詩成坐客新譙門雙壯觀邊將一團春夢破

止齋文集卷之六

四

盤行玉名存舊得銀桂陽因銀置監今無復有衰遲亡補報著意與民

親

寒消晴後雪光轉凍前風歲已宜麻衣猶厭芥菘樓頭

千里望筆勢萬夫雄及此吾何力天厭謝草豐

和蕭俊仲司法詠譙樓新軍額韻

海濱驅馬過湘濱喜及今春憶舊春公燕有時令市酤村
春不繼待炊新嚴城鼓角留三字當代衣冠第一人看取
吾民繇此去萬家雞犬永無塵

送洪子端還鄉

子端丞相之孫

將相三陳後文章兩漢餘英標還有此天意定何如海內
相離合年來半毀譽未知貪尙友孰與鄴侯書

送吳德夫

嶽麓樓頭臥湖湘眼底空聲名無處著容止與人同白髮

何多日輕帆不待風修門春漏淺封事倩誰通

楊伯子以其尊人誠齋南海集爲贈以詩奉酬

辱與門牆最不遲白頭方誦嶺南詩文從嘉祐今三變人在廬陵此一時細數儒先能幾見獨憐歲晚欲何之瀟湘直下長江去得望蓬萊卻更疑

潭帥潘德鄜生辰

落南添得黑髭歸與相忘草木知嶽麓沈沈秋柝靜湘波穆穆夜帆遲人間公論今何在柱下家聲此不疑德鄜職舍人乃子但欲公年如衛武爲留淇澳變風詩

衡守劉子澄以詩來和韻奉酬

曳裾朝路不同時謀食衡湘亦把麾一見相忘光可鑑十年何在怒如飢力堪扶世將誰可語不驚人或自危夜雪埋山江欲凍依然春信在南枝

止齋文集卷之六

五

遊南嶽

天作之山曷爲哉遙知閩闔正南開兩川文武長江下百粵車書五嶺來柴望久爲周墜典牢愁多見楚遺才不知崧岱還何似我欲將書寄鴈回

登祝融峯喜霽

仰止扶藜鬢髮蒼恰當風雨暗三湘爲誰一闢天無際及我重來日未央江過數州多曲折山緣長畝半青黃老僧耐得從頭問問到吳門竟渺茫

和沈帥持要張漕季長韻二首

欲杭一葦近聲光恨不先期燕子涼舊學甘盤聊此日倦游司馬尙他鄉別從滄海山橫斗謂別沈於承嘉華蓋山下來自岷峨水濫觴不謂偶成三楚客得爲蘭杜附諸香

麾節元戎祖席光晚風吹雨借初涼師傳問訊誰書院石

刻摩挲是道鄉聞有先聲來召駟想無後會到流觴路朝
正設橫經席冊府重紬辟蠹香

送沈帥

甘盤夢不入高宗四皓莫知其所終傳野有人能論學漢
庭無事可言功行藏於此嘗成趣談笑從今得退公分付
諸兒理民社宜休堂上聽松風

攜客過王提舉園訪梅劉連州以詩來因用其韻

屋後雲梢萬箇長屋前風蔓一川芳有梅自索巡檐笑無

酒還酤踏雪香偶與三劉同平榻卻懷二宋對持觴是日

劉連州景晉父子及宋伯華也坐客皆懷伯潛故云伯華伯潛宋景文公後寫將詩句吾何敢

歎乃聽人汲曉湘

再用前韻簡劉連州

吳楚相望道阻長我來邂逅挹羣芳人如盤谷元非隱詩

止齋文集卷之六

六

到孤山不道香每與盃簪移永日更須篝火及餘觴何須
誇去東州說不學藍關獨弔湘

小詩爲張漕壽一春苦雨張漕行部謁嶽祠而霽

是日登祝融

皇華散作九州春老穉□□夾道陳韓子莫愁今夕雨甫
候元是此山神我雖載酒□□算孰與將詩附不泯他日
中興編小雅若論孝友更誰人

謝司馬倅惠東坡竹石

出自坡翁餘百年傳之溫國子孫孫兩家文物來歸我便
盃投簪去杜門

和趙帥俊臣壽張漕韻二首

但得桑麻徧楚閒此心不在大夫環落花流水深春好畫

戟清香永日閒英蕩偶來成勝賞萱庭孰與奉慈顏正廳

得句尤奇傑可繼淮南大小山

使者耕時出省春聯翩珠玉又前陳先聲所暨搖山嶽
筆相豪泣鬼神嘉與九城俱晏粲訖無一事尙夢泯獨慚
衰情歸何晚亦著中間作廩人

題未陽黃宰詩卷

詩卷來何處棠陰日夕佳令人添白髮及此有黃花事業
誰千載文章各一家何時定還闕解柂向長沙

送黃元吉

陸子靜門人

荷君來意固非輕曾未深交意便傾語到七篇無欠少學
從三畫已分明每懷前此傷標置頗欲從今近老成爲謝
荆門三益友何時尊酒話生平

懷歸丐祠

久矣懷歸曷月哉冠纓吾欲濯吾埃天寒病馬尙遠放日
夕罷牛宜下來名家翰墨書還蠹蓋世功名骨已苔孰與

止齋文集卷之六

七

東籬訪黃菊柴門終不爲人開

送范東叔歸帥潼川

楚山黃落洞庭波背卻雞人問釣簑歸思甚於三峽壯才
名空自十年多曩游記得青燈在後會愁如白髮何我更
有懷言不盡故將短韻代長歌

送丁懷忠教授象州

二毛羈旅久一飮瘴鄉輕把酒時相屬令人意自平校官
無簿領帥閫甚聲名

應仲實帥廣西

所恨冥冥雨梅天不肯明

長沙臘月雷是日約宴趙帥俊臣聞雷乃罷越三

日雨雪帥喜以詩相賀用韻酬之

民欲遮雷上欲來

時長沙民數數投狀乞還趙帥而廟議欲召還

政聲無間到輿臺道迎和氣收蠻瘴彈壓餘陰墊楚雷已是因風成

會須逐馬見銀杯一觴好上公堂壽不爲梅花昨夜開

又和

沴氣反^平爲和氣來長沙千里一瑤臺新炊頓頓匙抄玉
熟睡家家壁撼雷天直於人如合券公應憐我欲停杯向
來韓子誇精禱雲合衡山特易開

趙帥復賦詩來用韻酬之

天水交光地欲無中間老子獨軒渠一簑漁隱真堪畫萬
玉龍驤不可屠已卜菑畬何幸甚卻憐藍縷更愁如莫將
此惠長私楚好上甘泉扈屬車

用韻詠雪簡湘中諸友

夾湘而往一塵無不在瑤池在石渠氣蓋松篁誰與競令
行螟蟻自相屠山光際水天無閒夜色通朝月不如有
一翁鬚皓白蕭然野鶴亦乘車

上齋文集卷之六

八

贈張孟卓絕句

燕坐何曾論古今束書高閣反求心若能領會無多子絕
勝相從歲月深

用趙帥韻爲孟卓解嘲

恨無毫髮老波瀾世有曹劉亦後班堪笑燕人夸璞腊欲
隨圭壁上三壇

登祝融峯觀日出

星月凋零萬象昏誰能先我見朝暾東南已得乾坤正蠻
貊方知夜旦分但覺滄溟浮佛屋卻忘衡嶽近天闔迢迢
下憩山腰寺人世煙雲尙吐吞

舟中奉呈趙帥一首且速迎侍相與滿歲

曷不放手追鵬賦豈無幽思續離騷去年比屋餘三釜^{周禮}
^{用韻}昨夜沿江長一篙白髮豈曾緣吏役青衫那更有兒

曹魚軒肯爲公來否相約春光訪蟹螯

除浙西憲舟過釣臺有感

一再登臨萬事非
裹頭還已雪垂垂
敢論筆力今無恨
欲附碑陰始不疑
臺閣有人堪共政
江山如此且隨宜
論功漢鼎吾何有
自是風流百代師

止齋文集卷之六

九

止齋先生文集卷之七

律詩

上皇子嘉王生辰詩三章

兩宮頻燕喜交舉萬年觴會慶川方至重明日未央聖賢
何繼世孫子更宜王聞說斯干夢祥占近一陽
造次依儒術朝迴只一經更無他嗜好端是眾儀刑符應
當良月聲華自妙齡帝垣從此日光焰粲前星

要識皇圖永當觀藝祖初維持今盡是回復更何如庸陋
誰推轂衰遲此曳裾慙無爲壽具獨袖一編書

方講藝祖實錄故及

袁起巖會飲湖上出示古刻酒罷各攜桂花以歸
因成一絕

湖光不動見魚蝦敗紙殘編數十家巖桂叢中三四客醉

止齋文集卷之七

歸人得一瓶花

又和

湖上簾須半捲蝦調冰雪藕各名家有人不解長安飲話
極茶錯吸井花

寄陳同甫

古來材大難爲用納納乾坤著幾人但把雞豚燕同社莫
將鷺鴨惱比隣世非文字將安託身與兒孫竟孰親一語
解紛吾豈敢祇應行道亦酸辛

送辛卿幼安帥閩

長才自昔恨平時三入修門兩鬢絲瓮下可能長夜飲花
閒卻學晚唐詞潸然北顧關河永簡在西清日月遲乘鴈
雙鳧滄海上與君從此恐差池

送盧郎中國華赴閩憲

相望千里馬牛風聊事湖湘各已翁造次便呼兒女見綢繆畧與弟兄同百年又是梅花發萬事何如荔子紅欲附使軺嗟不及卻憐身在俊躡中

送范大著文叔知彭州

中書世祿今無幾唐鑑家聲世不多安得有人賢若此忽聞去國意如何同朝最是頭先白知己還愁語太苛盡欲讀書三萬卷蓬萊未必似眠峨

和劉進之韻兼簡吳阜之

憧憧滿眼事何稠落落論心思獨幽去國未能身一葉懷人但覺日三秋池塘春草方同夢江漢歸舟更別愁安得簫韶儀兩鳳不妨燕雀自嘲啣

初夏有感因用前韻久旱適得雨欣然卒章

湖山嫵媚綠陰稠誰向芸芸得趣幽半破榴花方恨晚新

止齋文集卷之七

二

來燕子未知秋去爲吏隱雖吾願歸得家山政自愁賴有雨聲寬百感忽如孤鳳見羣啣

送潘德久之官建康

平生不解通毛刺萬事無能改鬢華豈是襟懷堪逆旅直須詩句可名家老爲賓客從戎幙強使妻孥理帽紗不有將軍寬禮數新愁卻恐墮江花

同遊張園酒中各嘆明年未知誰與此會余最衰病宜去因作詩識之

春過新煙能有幾愁生飛絮轉難禁可憐衰白隨年少愛看殘紅到夜深一輩衣冠方事事故園松竹已陰陰明年此會知誰共鴈蕩山前寄好音

次韻奉酬方輝先

也知朝士愧山林猿鶴相懷怨亦深屈指落花年荏苒斷

魂凋鬢日侵尋向來相與期何事老去誰能會此心多謝
故人重話舊獨憐志古定遺今

送倪正甫侍郎賀正

雪枿冰芽又復春中原□靚屬車塵權呼漢節從天下愕
立胡兒夾道陳老去獨慚□偃蹇君行決意問經綸顧瞻
河洛關心處應記幽燕用事人

喜雨

天顧於人略有情片時收盡越山青老農望外扶犁立倦
客愁邊擁被聽塵翳欲清閭闔道并花已上轆轤亭冥冥
直待黃梅熟未要風池看約萍

送曾繼先赴山陰路幹

鬚髯白盡猶強飢髀肉添多未跨鞍不向胡沙親矢石卻
來橋塚護衣冠歸舟自此長相背薦墨於今尙未乾只恐

止齋文集卷之七

三

燕然他日事獨無名字可同刊

送何起巖之江東

若吟海內知音少獨往江東問政頻我亦他山於此別世
無吾黨更誰親六朝故實皆新句一代風流尙幾人話次
驚懷無恙否爲將哀情再三陳

上元日同京仲遠趙德老羅春伯謝子蕭訪郭殿

帥遊鳳凰山次韻

層雲飛鳥共危欄江漢朝宗萬折盤王氣信知千古盛聖
圖元自九朝寬公餘曳履探殊勝酒罷磨崖記眾歡衰情
不知能健否相從河岱弄柔翰

癸丑冬車駕過宮留相還朝

一聲警蹕接天齊馳道無塵馬不嘶月御順行隨日轂乾
端和氣匝坤倪三槐相繼歸公衮細柳還須聽將鼙老矣

尙能歌一聖不應專美在涪溪

和樓大防尙書送行韻

齊年兄弟又咸淳臨安志十載此詩作更齊名商略行藏共此生自昔

從君瞻馬首如今輸我與鷗盟讀書松竹交千載曳履星

辰聽志作數五更借志作問塞翁誰得失請無一語志作到

留行

折子明提刑自湘中以詩問訊用韻酬之

久立天涯詠式微胡然華髮尙□□□□望歸簪履便

冀君恩到蓋帷當世豈無君子論□□□□人詩湘中

一似桐鄉好安得扁舟著釣絲

泊釣臺灘下

今歲僅餘今夜月此舟三泊此江沂遭逢明主還遺恨慚

愧先生獨見幾泗水列侯多不免商山四皓竟安歸漢家

故舊嘗枚數孰與東南一釣磯

止齋文集卷之七

四

臘月望泊舟釣臺灘下賦詩既而登婺女明遠樓

誦之鄉丈陳德承同集黃奇卿張伯廣因書以遺

德承之子性甫直甫後春六日奉和德承韻兼簡

奇卿伯廣爲別

行藏獨倚少陵樓怨鶴愁猿孰與儔嘗與萬人爭魏闕何

如一壑老菟裘追隨士友從吾好領畧江山自此遊急趁

梅花理歸棹雙溪爲我亦西流

贈杜伯高

臘後玄冥意氣驕餘寒造物亦亡聊風收夜雨春何淺雲

障朝暎雪不消眞悟此生纔半歲恣聽何處是三朝粲然

一笑將迎我賴有江梅慰寂寥

除夜宿處州天靈寺

人言老去不如初我愛初心老轉無懶向門前題鬱壘喜
從人後飲屠蘇杯盤甚簡眠須早禮數多寬拜要扶況復
窮窮僧紙帳雞人不聽禁庭呼

寄僧嗣清

衡陽傑閣宵人記淮右豐碑刺史書永已橋山藏劍佩空
餘雲漢照林廬河圖萬古隲東序汗簡諸儒校石渠誰道
幽深窮衲子乞錢買石更崎嶇

余與嗣清作雲章閣記欲刻之衡山不果今清來致
舒州吳使君所書閣記石刻一本蓋投子山碑也於
是壽皇晏駕一年矣讀之涕泗交下頃爲學官逮事
壽皇滿歲當罷去而對班尙在數月之後遂乞補外
晚爲秘書少監會聖政書成被旨詣重華殿進讀首
篇壽皇色甚康顧視良久益恨平生之不遭也因作

止齋文集卷之七

五

詩詒清以附碑陰

蔣處州仲可惠酒

括州太守口按孫觀鴻慶集六蔣數文藁誌銘義興蔣氏
缺字必口字也口亭侯爲鼻祖仲可亦義興徒亭上
音殿山名在宜興亭侯及與前時一輩游賸欲池塘看芳
草謾隨煙雨上危樓無錢可解催科拙有酒能寬放逐愁
可笑杜陵嚴武客時時傍舍過牆頭

再寄用前韻

幸無骨相可封侯歸理先人舊釣游山下賸裁諸本竹水
邊須著數閒樓羣書可讀自隨喜一客不來誰與愁時把
釣絲銷永日魚兒亦得兩三頭

丙辰寄國舉兄

是閒南極老人星喬木修篁亦有情直向朱明爲後殿不
隨黃落入秋聲兒孫衮衮看新出兄弟團團得晚成笑閱

世人心事短卻從黃老問長生

送長溪高國楹從學朱元晦

洛學今無恙東南屬此翁從游雖已晚趣向竟誰同一第
收良易遺經語未終歸期定何日我欲叩新功

以兩鶴壽薛象先

日與山農共一塵不應家有四乘軒殷勤分送平齋下爲
看蟠桃熟幾年

重陽日寄瑞安留

元作劉下仍宰留宰以是日宴新

第人并見招不及赴

落帽沾衣總失真追隨萸菊亦勞神酒無肴核依然好家
有溪山豈是貧沉湮從空來夜氣青冥隨處際秋旻不知
此是登高否爲問慈恩塔上人

和林宗易菊花韻

止齋文集卷之七

六

一歲所餘秋有幾重陽偏與老相催每憐白髮能長健雖
愛黃花亦懶栽好景遊從須好友新詩風味似新醅人生
適意無過此恣聽東籬早晏開

和沈仲一北湖十詠

北湖只隔嶺頭雲誰在湖邊問訊人若得小舟通我過雨
晴須破半時辰

右北湖

人去岷峨水自流豫章三字竟沈浮懷人好上層樓看木
落山寒不肯秋

右豫章閣

可愛南山與北山北山上有斗芒寒碧雲歸盡人何在更
捲朱簾到夜闌

右仰止亭

平平下語及雲菅學到詩人豈不難莫似騷人太芳潔
湘波千古訴椒蘭

右藥房

一年曾得幾番圓恨不駮鸞上廣寒占得波光須細翫恰
聞滄海已狂瀾

右穆波亭

欲來花底竟差池我有佳名誰與歸翌日看花天一色狐
裘猶自織寒機

右粹白堂

借無舟楫亦褰裳目斷蒹葭水一方今夜不來同剪韭隔
山明日事茫茫

右遲客臺

蒼草須鋤莫放深竹須剪伐待成林一花一葉皆相附要
使兒孫識此心

上齋文集卷之七

七

右萱竹堂

紛紛萬木盡西風獨立霜林我御冬澤畔無人誰著語止
齋但護紫泥封

右楚頌亭

余雅愛頌橘之語仲一欲以名其亭
一日出所藏潛邸頌橘二字遂改今
名

看花只爲雨愁人一片纔飛減卻春獨此得春無盡藏每
於愁外見精神

右宜雨亭

周宣義三子仲敏元缺據平陽志補幼謹同年登第

因以前韻奉寄

營營浮俗賈平陽志載此詩作偽還真孰與傳經妙入神一榜及看
三子貴數椽能忍十年貧自將弧矢書間史便使冰淵誦

小旻家學如君今有幾殷勤羅拜我何人

再次韻簡新第諸人

行酒何如温太真風流元不鄙錢神扁舟容我歸來老一字令人買得貧雖有羣仙來月窟欲扶衰力上霜旻吾今已定漁樵約勛業煩公一輩人

送瑞安尉林叔全尊人還鄉

論交海內略飄零最晚相看卻有情不以一經誇魯諺自於二子識徐卿橘香賸與蜂衙晚麥信急催鳩喚晴天氣正佳歸恰好莫將愁思爲空名

送林叔全秩滿歸四明

三年絕境興誰同雞叫桑巔犬巷中但欲戶庭多暇日不將鞭朴奏膚公相期霄漢搏風翮每見燈花綴玉蟲此去逢人臺閣上丁寧莫道止齋翁

止齋文集卷之七

八

送雪庵瑾禪師還山

五馬逢迎甚闊疎滿朝問訊近何如諸公極有遲留意一日連收竟別書佛法盛衰千劫後人生老壯百年餘向來游舊今無恙願得斯人尙起予

周和叔通判雪寒索酒戲用來韻以將朋尊

安正堂本

作別

持林雖念故人寒欲子還不似印初此債豈應行處有麴

春何日寄雲安

和叔入蜀故云

奉和周蕃伯用王道夫韻二章見寄

森森萬木一精廬黃卷青燈自卷舒卻肯追隨三舍遠不論聞問十年疎遺賢公已長懷玉老圃吾方欲荷鋤安得謝巖題壁處一尊相伴看芙蓉

論定千年後心寬萬事平吾方慚鼠伎安敢道鴻冥門戶

雖人境溪山亦世情半天喬木立盡日好禽鳴

壽叔祖母

與先人同生

三陽昨夜轉洪鈞鳳麻今年又紀寅再拜與君觴壽母更生猶我面先人兒孫夾侍渾忘數梅柳前陳不記春從此常爲湯餅主贖看諸婦抱麒麟

東陽杜季高遠訪詩以送之

當世闕衰壯斯文看合離強餐吾豈敢後會子何期村落秋彌好溪山晚最宜逢人相問訊所欠更能詩

春日和林宗易韻

白與紅兼盡落梅小園獨步日千迴浮空曉色臨無際排闥春光撥不開學語新禽更後轉鋪茸細草雨邊來卻憐追逐今無力放下簾鈞就麝煤

移花

止齋文集卷之七

九

櫻柳初無素與蠻可將何物件身閒欲栽花木千餘本但候春風還未還

送花還宗易

酷愛看花懶種花知心惟有故人家花開分送花殘取娛老扶衰度歲華

遊鳴山寺徐一之兄弟載酒卽席和其韻

情歸春力不勝驅風雨尙愁人摻裾掠盡殘紅前日樹催還新綠去年畚相將興盡隨花屨賴有朋來載酒車但得從今身尙健吾鄉風物勝匡廬

和徐叔子用林宗易韻見示

相過風雨獨何歎校酒論文已不如方信深交相戀繆卻因衰退更躊躇吟生池草書成束飲落簷花醉墮車明日待隨公等去我頭應始自今梳

和徐叔子勸農韻呈留宰

親從蓑笠問飢寒，赴愬人人得犯顏。更向棠陰聊憩艾，要令粒食共鮮艱。身歸雨露司存後，詩在山川刻畫閒。飽餽之餘能細和，止齋應有幾年閒。

遊金奧趙園賦海棠梨花呈留宰

海棠故作十分紅，梨更超然與雪同。文物英華周盛事，風流玄遠晉餘風。

赴留宰寶壇之集因和蕃叟弟趙園韻

一枝纔放前村雪，一線初開愛日天。潘縣風流凡五客，趙園名字亦千年。可無能賦如難弟，恨不曾來有尉仙。待得中興用循吏，更於此地設離筵。

示留宰

縣樓卽日氣橫空，施及觀潮亦奏功。會上石岡看蟻穴，當

圖一飽到三農

止齋文集卷之七

十

或以詩送來禽次韻奉酬

連年栽樹未成陰，蘋實堆盤慰我心。手把新詩堪永日，休誇法帖送來禽。

隔水佳人久不逢，祇應我懶或君慵。感時相饋情何厚，卻說雲泥笑殺儂。

遊雲頂院和徐叔子韻

老大生憎兒女態，更無春怨與秋悲。略將杯酒酌隨宜，具剩有溪山取次嬉。愛客不妨兼汎汎，論文何苦太奇奇。況曾窺得尊生術，通昔蒲團日一炊。

壽薛象先

蕭然山澤一臞仙，故被聲名絆俊躔。祇爲春秋同社燕，遂歸風雨對牀眠。中年曾未鬚眉白，盡日全無車馬喧。我有

壽觴誰與共會昌湖上釣魚船

酬蕃叟弟韻

朋遊同一輩伯季自相師薄宦俄衰暮清懽僅暇時我懷
青冢曲子念紫荊詩但得無憂患幽棲豈不宜

壽潘省之

泛水淺紅荷十里蔽雲濃綠木千章旁無俗子同居巷中
有臞仙一瓣香今夕還知是何夕吾鄉終勝似他鄉雙鳥
便合青冥上笑看兒孫樂未央

丁巳壽國舉兄

歲自爲詩歲自賡愁無新思思還生更徙今聞書初伏待
看何年值後庚漢網疏如天地關奎文下與水雲平弟兄
長健貧何病判解金龜當一醒

律詩

村居二首

業已將身落耦耕時於觀物悟浮生擇栖未定鳥離立避
礙已通魚並行野老窺窠占太歲牧兒敲角報殘更絕勝
倚市看郵置客至還無菜甲羹

野衣農圃雜華髮弟兄同佚老便居僻貪閒喜命窮習成
杯酌少脫落語言工危坐看流景新萌又落紅

和宗易作屋之什

欲因舊築倍勞形昔在先生配二程梅樹護持供北顧萱
堂潤色作東榮但堪樽俎來三益何必籬牆屏五兵若徒
荼蘼分乞我亦令兒輩記家聲

送縉雲葉正初兼簡杜伯高

止齋文集卷之八

一

我固閩人非草草君於前輩亦拳拳經師未數郊夫子筆
力方窺李謫仙所恨尚於收第晚將詩空與背時傳頻年
不信燈花報報得人來亦可憐

和宗易賦素馨茉莉白蓮韻

軒窗一日粲三英盡室無塵眼倍明閩粵固嘗矜絕美風
騷猶未及知名羞將姿媚隨花譜愛伴孤高上月評獨恨
遇寒成弱植色香殊不讓梅兄

沈仲一送菊自言封殖之勞欲得詩為報為賦三

絕

東籬何在菊年年菊視陶詩竟孰賢未必緣詩花更好花
將詩與萬人傳

霜螯風味小槽春新樣言衣試鞠塵見周禮一段秋光誰

領此芙蓉凡子桂陳人鞠塵及自注鞠衣注並誤通念

秋乾手自搭連筒苦雨丁丁杙小蓬乞得花開急催客明
朝恐已著霜紅

仲一以詩來用韻奉答

陪侍經幃涉歲年亦嘗尙論翰衣賢如今二嗅馨香泣惟
恐將詩去浪傳

嗚咽苔移玉座春昔年曾扈屬車塵重陽不見黃封酒只
見餐英獨醒人

剩有新詩入遞筒豈無能畫作掀蓬金錢翠蓋相輝映著
我皤然酒借紅

寄題薛象先新樓

矮簷風雨送蝸牛有客來誇百尺樓闔郡臺池皆下瞰背
城湖海亦全收清時未放徒高臥半世何爲故倦遊解盡
橐金君計決月明長笛起漁舟

立春

止齋文集卷之八

二

千官勒馬謝幡勝萬國鞭牛占雨晴誰據檣梧相近午頰
車徐轉鼻無聲

除夜用前韻

春來十日垂垂雨歲盡今朝亦未晴衰老見年殊不覺臥
聽穿葉打窗聲

送子壻林申甫還侍

鏘鏘笙磬阼階東穆穆黃流玉瓚中近在門闌無此稱老
來襟抱更誰同幽燕遺恨須收第孔孟微言要忍窮精舍
一區泉石好何時相就看冥鴻

遊趙園

主人避客竟何之雨過停橈落日遲賴有畦丁曾識客來

禽花送雨三枝

赴林宗大招賞牡丹之集

剝啄要春酌團欒得晚晴千花名品下一葦病身輕文會
非投轄清歡勝絕纓倦遊吾獨愧歸趁兩山明

寄謝懷英高士

聞君已得歸山請願我方當絕跡時欲葺止齋猶未就篋
中應有草堂資

和張端士初夏兼簡潘養大

五字元缺
據目錄補

綠陰四合水迷津春去雖愁卻可人無數飛螢窺案帙有
時乳燕落梁塵滿塘荷蔭將還舊試火包香又斬新短夜
得眠常不足僧鐘遮莫報昏晨

屈原賈誼陶淵明文辭皆喜道孟夏而悲樂不同雖所
遭之時異要亦懷抱使然爾端士寄夏日一首若無聊
然因和其韻頌初夏之美以解之

送周介之同年赴德化宰

民社須吾黨江湖足此情不堪秋暑近欲趁莫潮平拙宦
成華髮憂時自短檠君看廬阜石千載尙垂名

謝林默之居士惠酒居士山居方與世絕尙欲友
此廢人耶小詩舉發一笑

不將驚鴨惱比隣林下蕭然老幅巾乞與青州十從事添
成明月兩閒人

戊午壽國舉兄

一母分身四白頭從今家事付兒流只須老草供觴味乍
可婆娑伴釣遊勞世萬人輪暇日好天一兩薦新秋平章
何物宜爲壽三十餘年晏子裘

止齋卽事二首

性已耐岑寂老應忘隱憂齊年雙白髮盡日一蒼頭竹閉

緘門鑰蒲團數漏籌未知庭廡下還有雀羅不
教子時開卷逢人強整襟再貧看晚節多病得初心地僻
菱蓮好山低竹樹深寄聲同燕社明月又秋砧

戲題止齋叢石

雖無壁立翠琅玕聊當庭前犢鼻裋我亦聞之方伎者眾
山皆大小爲尊

重陽和朱直方韻

衰老登臨得並家絕勝十載向天涯直須與世爲陶令謹
勿令人識孟嘉藍水悲吟空雅健牛山醉墨謾敲斜誰知
竹葉雖無分一笑何妨菊自花

用徐叔子韻送其過毗陵

家食年年未解忙浮沈閭里但壺觴偶緣他故趨吳會可
使吾徒憶魯狂曲水風流王逸少鑑湖窮約賀知章請於
百尺樓頭上下視人閒有肺腸

止齋文集卷之八

四

送四明汪文子

文盛經生少官輕舉子繁誰能堪遠役相與及微言殘凍
留春雨新愁起夜樽斯文吾不敢短句送歸轅

寄九江宋居士

篋中每閱所藏書長憶瀟湘九宛餘一別十年身尙健恨
無飛羽過匡廬

酬劉進之

冰柱劉又句綈袍范叔寒所親多物望相識半人寰今老
猶徒步吾窮亦厚顏幽懷眞易足萬卷屋二閒

己未上巳清明莘叟兄蕃叟弟偕潘養大過訪

據自

霖霖故作落花天佳節重重倍悵然雖有庭除臨曲水更
無尊俎試新煙醱醖雅欲延春賞杜宇還能破晝眠

二昆同一客蕨芽蒲筍短檠邊

和林宗易上巳韻

藜藜曙鼓五更初枚數何門可曳裾孰與課兒翻故紙幾
曾緣客掃精廬常饑未免時中酒多病安能強著書自笑
無才供視草徒勞身後問相如

和林宗易雨後韻兼簡沈仲一

溪山秋色日侵尋一水循除萬木陰幸有新炊送農扈可
無勝踐盍朋簪蒲荷縣亘衡從畝鷗鷺追隨下上音寄語
北湖休獨自摩挲周鼎與商鬻

張端士以詩送蘭蕙因和其韻兼簡潘大以速肯來
暮春堂上抱天和時啟柴扉與客過客有可人須語似新
篁來看玉森羅

寶壇寺和元缺據林宗易韻

止齋文集卷之八

五

夢回齒頰自天香何必招魂怨渡湘少待精廬天向曉有
來嘉客歲爲常雲山鎮壓魚蝦市煙雨莊嚴橘柚鄉最好
題名雙石闕可題周麻萬年長

答朱翔遠見別之作

總角相看五十年行藏殊轍各皤然豈無子美書成束欲
送相如賦上天俗眼不寬多小謹交情何限復長篇乘壺
偶自兵厨至聊助征帆一醉眠

嘗語客蓴鱸橙蟹的對或言今年斗門堅寒故蟹
不上又今秋風急鱸魚亦鮮余發一笑因成二十
八字

蓴鱸有玉西風急橙蟹無金東海深祇爲酒醒愁夜永二
蟲得失我何心

因客說秋秋水傷復用前韻

風鱸不須鹽鼓好霜螯須著酒船深無由種秫求旁舍
舍秋螟已蠹心無由由疑
當作田

己未生朝謝莘叟兄送梅

無歲探梅不恨遲緝齋今送兩三枝也知造物多生意亦
爲畸人解笑頤壬子恰同身墮地庚申還值國開基數家
誇道明年好好在長貧誦繫辭

又

莫笑栽培日月遲待看老幹及孫枝天將臘去春回首人
與花同雪滿頤萬里隴頭空故蹟孤山籬落但餘基至今
佳句無人繼誰與招魂著楚辭

覓花

背山面水竹週遭雖乏樓臺氣已豪更得好花千百本中
閒容我誦莊騷

止齋文集卷之八

六

和徐魏叔見寄三絕

蒲團坐閱歲如梭不管門前雀可羅投贈紵衣纔薄物道
人微笑已嫌多

紵袴何嘗不誤身梁園金谷草長春送將重錦齊三十笑
殺生芻一束人

獨向心源識背趨豈於身外較精粗淒其下視人閒世朝
市區區地一夫

和朱宰遊丁園韻

榆火逢佳節棠陰接勝遊移樽忻及暇乘屐共尋幽日靜
竹光合風喧花氣浮主情殊未倦衰暮爲遲留

庚申上巳

何事□□□天低雨露慳一□遺晚□百感又春關墨客

山陰竹盛人消外蘭誰知千古意不在□游閒

清明後一日宴客明日宗易送牡丹有詩次韻

客去朝醒惡詩來晚思和名花如洛上佳句近陰何雨故妨新火春應墮夢柯莫將行樂地蝸角動干戈

和汪仲嘉樓大防二尚書賀鄭貴和華文休致韻

貴和四明人從其子泰興爲瑞安主簿

簪笏相摩入殿廬人皆自笑此區區豈無隻字踰華袞未必千鍾勝餽蔬吾見北山多後倦誰如東里竟先驅追隨曳履粉榆社猶及香山退傅無

歸然名節萬人尊詩落文昌帝九閭耄及衛公還失策早如疏傅亦傷恩華文延閣如今少神武脩門自古存我與東樓最欣慕掖垣燈火幾同論

寒食早起圍爐中戲和林宗易韻二首

疊帳重裘更怯風絕憐寒食到匆匆一春不見花開落但

說栽花費幾工

止齋文集卷之八

七

春工偏以速爲神誰管沈痾未覺春禁得春寒長恣賞甘心輸與少年人

晚移舟塘次值風而回莘叟兄有詩次韻

經春屏跡興誰同苦雨衣篝亦自烘方此欲爲官况事依然不值世情風蒙茸水國蒲荷蕩馥郁田家橘柚叢最是
一年行樂處翻成咄咄坐書空

送四明方伯起

世事關分合人情看短長君應愁富貴人已畏文章竚立親雙鬢追隨客累觴未知歸定否吾亦愛吾鄉

送楊渭夫入淮

老去關心最語離不堪離久會還希君方慷慨思矜振我已婆娑喜情歸萬事莫如身自愛十詩亦與世多違倘將

書寄南來鴈且問瓊花果是非

從族叔覓老桂

他山有桂老鬍鬆好值梅旁伴槁容著我對吟前赤壁乞
君分與左青龍踰牆之樹宜無取國風將仲子兮無踰屋
家語有人問東益不詳孔子闢之我牆無折我樹桑益
屋於東本不凶屋茶想短章蒙一笑便呼

鉏纓破苔封

蓮花

伯仲之閒竹與梅魏姚聲價浪崔嵬雖然亦混魚蝦處風
度自從邱壑來

寄林宗大

春已無情雨如花病還妬客到花家今當未雨纔身健杖
策來看半吐葩

和莘叟兄詠張子房韻

止齋文集卷之八

八

不緣多病遽懷安閱盡人間萬事難謾以笑談分楚漢竟
將功業付蕭韓

宋及之以所種荔枝結實招飲不及赴以詩謝之
閩譜余嘗第狀元年來雖見僅名存貢存天寶猶徒擾賦
似相如亦妄論每羨朝陽私沃壤正愁秋雨妬芳樽絳衣
玉質今何夕照我西歸十二軒及之云以風雨
僅存十二顆

從徐一之覓菊

我欲作亭題獨立苦無翠蓋著金錢園林百輩皆名勝爲
趁西風乞冗員

土盆瓦斛空中久羞見重陽插滿頭寄向柁樓煩送似萼
鱸壘懈待新筍

次韻奉酬徐一之送菊

桂叢蘭畹悄無譁但有哀鴻天一涯節物更誰知白髮交

情於此見黃花聲名獨立空秋際
景色平鋪與露華南雅
未收騷致意騷人應欲補詩葩

廷植姪得男朱文昭寄詩於湯餅集卽席和韻

喜說徐卿得二雛
吾家波及亦君餘
青衫手板宜從此
斷簡家藏莫付渠
但欲健如黃犢走不妨
錯寫弄麈書更看
湯餅頻頻供笑索
梅花到歲除

送鄭主簿泰興解官歸四明

師友於今說鄭鄉
親庭分付舊行藏
但知職分宜棲棘
盡把聲名屬隳棠
一字未曾緣薦墨
扁舟纔可著詩囊
問津漁浦多西笑
獨爲萊衣味更長

泰興以乃尊華文老不能車迂道處發自錢清漁浦

送孟延昌歸蘭溪

典同周命士律協漢諸郎
師友今千載妻孥各一方
髮從

止齋文集卷之八

九

何處白菊有去年黃惜別無多語關雖三斷章

劉進之飲蕃叟第筠亭且賦詩余與蕃叟族居蓋

屏迹不出各數年於是有感次其韻

判與漁樵日往還
鶴亡蜂遁徑苔班
何人不棄尋常事
有弟相忘咫尺閒
寬網及余端已老
祥琴相爾未應閒
但將邱壑全分付
可待移文始厚顏

林宗易劉進之見訪有詩再用前韻

牛牢日夕鳥知還
休說年時玉筍班
四帙亦嘗空老去
二疏不在其功閒
修書尙覺歸期晚
隱几兼忘永日閒
况有宸章長對越
昭回雲漢不違顏

題錢宰吸光亭圖

棲身雲夢八九上用意風雲五六閒
惟有澄波兼皓月
尚

隣波月蔽虧山

止齋先生文集卷之九

挽詩

擬進御製孝宗皇帝挽詞五首

九廟威靈遠

遠一作重

三宗德業尊謳歌思藝祖厯數在神孫

欲返皇圖正先推帝繫恩諸儒議東嚮此意定初元

謂以隆興

元純

但謹雞鳴問何知鶴髮侵石經方典學盟載更關心四海
堯喪畢三年舜慕深匆匆付神器長樂尚沾襟

神機規禹迹鬼膽破胡兒大號初歸我成功少待時韃囊
懷不滿箠食問何遲河洛空遺恨年年上玉卮

好學元無斃忘疲晚有加明謨宗六藝妙用合三家照映
天經緯流傳士齒牙奎文尊閣處更合榜重華

羣才何輻輳聖度似天寬清蹕留儒館黃金散將壇風雲
一語合日月萬人看攀附今無路哀摧壯士肝

孝宗皇帝挽詞五首

藝祖開皇極何心畀後昆天將翊堯運世復見湯孫武接
規模在仁追典則存煌煌宋宗社永永配乾坤

深衷何自見寬詔不勝書當宁延方岳逢人問里閭歲為
周委積家被漢蠲除巷哭彌天遠長江淚不如

豈以崇高極能忘懍懍憂衣更三澣舊費爲十金休能館
無秋獵期門絕夜遊恭惟懷顯德真可締孫謀

正觀真英主三王合庶幾此時生後聖端欲踵前徽濟世
功何異除兇志偶違辛勤三十載十漸更無譏

不作脩齡夢天平詎可諶白雲新厭世黃屋舊非心德業
成千古閭閻寢八音烏號在何許霜重越山岑

諸老俱淪落流風日轉移獨懷憂國意長說渡江時姓字
誰如此功名早不疑卻收湖海氣燕坐雪垂頤

憶上諸生謁公方薄恙侵欣然蒙絮帽恨不醉花陰自說
看人熟相期晚歲深半天蒼嶺雪回首爲沾襟謁公之夕
循蒼嶺下

天大雪明日
嶺上深數尺

挽木奉議蘊之簡
事尊人

寵數頻年及俞音萬口傳豐碑來少海大軸落台躔教子
宜如此聞風亦凜然送車今塞道拱木看參天東宮爲高
榮慶二字

史丞相以
詩賀之

盛事無虛得玄襟可自知徧觀同輩行誰似暮年時衮冕
趨椒殿簫韶送玉卮又宜天一笑獨此有遺悲

悼蔣昇仲承事

扁舟來往適吾真卻笑旁觀道隱淪三釜豈無兒可就百
止齋文集卷之九 二

年要與酒相親贖栽梅竹皆緣客晚得冠裳不語人試向
南塘問漁牧定於此老亦沾巾

挽族叔父

松竹深圍屋蒲元缺从
陳本蓮騰種魚所愁賓客少不問稻梁
餘盡日誰元缺从
陳本相語盈門手自書吾兒有名字萬事聽

何如

我懷終古恨不及奉觴時滿眼看諸弟何心賦此詩牛羊
來蟄蟄邱墓去纍纍亦有千鍾養曾無一字碑蕃叟自爲
尊人埋銘

題丁少詹姑墓誌後

白髮從夫志青芻爲客謀送車今幾兩樂土有斯邱歸葬
於父
鶯猶子聲名甚他時雨露秋摩挲看石刻嗟惜到松楸

挽樓朝奉

裘馬朋簪盛緋魚筦庫卑行藏公論在然否寸心知歲晏

曾三接民功僅一麾空餘華袞字有恨蓋棺時史少傳一銘其墓
九寺方連茹專城又夾河晚看諸子好孰與一門多薄海
皆驚歎亨衢忽薦瘡大連同厚夜其奈少連何

挽包顯叟

樵牧常爭席篇觴早策功有懷隨事見不恥與人同我故
奇諸子年來識此翁待看稽古力喬木已悲風

翁子看時輩平生不妄賢獨於公有誅惟恐世無傳他日
須深刻吾詩可附聯草黃松柏禿名與石歸然翁誠之作行狀

挽張子由母

又是君王上玉卮未央雨露湛垂垂版輿此去還無恙芝
檢重來更不疑四世團圓變能有幾百年漸盡亦堪悲里中
諸母今誰在聽說承平祐聖時

挽潘才叔母

止齋文集卷之九

三

剝啄惟深夜門前杙小船有兒能自致此母已堪傳竹院
前聞熟桓楹大字懸病懷嗟不及健筆附諸賢才叔所居有竹院

挽周宣義

魯山司法尊人

無酒澆陳草將詩刻隧碑遺名從此在真意竟誰知教子
還餘事周人亦有時憶嘗從交語欲去更遲遲

挽蔡女何茂宏

何目錄作周案何茂宏名恢陳亮之妻父見龍川集二十八日談

勸駕嘗連夢應門忽二毛竟於時不偶吾更晚相遭宿草
堪揮淚豐碑忍泚毫送車今幾兩誰最戀緜袍

挽薛季益尙書

徧試江淮聲籍籍久勞荆蜀鬢蒼蒼同時半已登槐棘卒
歲纔能足稻梁遺橐不爲他日計佳城尙及此邱藏豈無
後作多文勝令我懷人淚欲滂

州里誰如此達尊戶庭深靜最情敦不將尺牘通當路卻

枉扁舟訪杜門每見色温如有屬欲書心愧不能言從今
若祭粉榆社好配橫塘兩獻樽公與許忠簡公居同鄉

挽彭通直

子復監丞尊人

前輩如同郡流風僅幾人不令兒巧宦所尙世清貧及老
猶書卷通班但幅巾吾銘雖未就鄉輿勝堅珉

挽沈次卿學正

洛學傳當代家聲屬此翁一生無世味萬事與人同恨不
師前鄭欣嘗客阿戎宜銘千古意豈在語言工

挽林承信

道夫教授尊人

重交寧問田安在急義固於官不知膺仕幸多花萼好幽
棲宜與竹林期牀頭周易吾將老案上楞嚴晚得師此意
自應天子後暉陽未琢長孫枝

悼林仲逸縣尉

止齋文集卷之九

四

家故書千卷生纔試一斑賞音殊不少筮仕獨何艱松菊
將身隱蘋蘩忽涕潛幸哉賢玉潤有誅不容刪

挽張材卿知郡

大猷端明之子春卿尙書之弟

貂蟬不逮老端明世濟誰如好弟兄能著青衫借計吏卻
將白髮去邊城夜魂俄斷凝香寢秋淚仍兼曳履聲萬石
君家同一傳嗣書應更有公卿

挽新昌呂脩職

頃作庵廬客看公手種時溪毛無亂理宰木有連枝久欲
鏡他石今還賦此詩黯然懷宿昔絮酒定何時
不道千山阻將遺百世名有兒能自致此老已堪銘祿豈
無三釜賢誰似一經吾詞雖未就應有護幽扁

挽尤延之尙書

自爲師說竟誰宗每事持平屬此翁有志政須名節是斯

文非獨語言工要合舉世人材出合在前朝行輩中安得
長年雷把柁後來各與一帆風

宿雷江湖長子孫行藏節節耐人看及爲侍從身垂老欲
試平生事轉難書就僅題前太史功成方記舊甘盤令人
長恨經綸意歷事三朝見一斑

向來諸老獨歸然羸不勝衣萬事便燈下細書批勅字雪
邊先著趁朝鞭豈應無故令身健卻止功名與世傳遺奏
定畱封禪稿憑誰吹送九重天

壯歲從游兩鬢霜重來函丈各堪傷那知卒業今無及極
悔論心昨未嘗相約歸期須次第獨存病骨更淒涼他年
賴有門生記託在碑陰永不忘

挽沈虞卿侍郎

官重元非好思閒樂有餘生兒早傳業課女夜鈔書時事

止齋文集卷之九

五

方關念歸懷不遂初經綸緣未了天意盍留渠

嗜古眞成癖摩挲笑眼開斷編遺汲冢名篆出秦臺□□
緣應盡雲山喚不回淒涼子雲宅問字有誰來

挽東陽郭德誼

簪紱何能貴聲名幸自修凡今爲我友幾半與君遊翰墨
千年託松梧一夜秋令人懷昔日炯炯夢丹邱

悼楊休甫

袖手旁觀一世餘元非親物亦非疎酒邊每事如人意燈
下通宵讀我書學到莊騷纔止此生逢周漢定何如西州
相識無遺恨獨恨無從參子袿

挽宋巖老叅議

居然是是亦非非錯處稠中定不疑萬事過人旁袖手一
生從眾自觀頤肯爲壯縣雖嘗試略見周行已逆知盡日

杜門佳客至小槽親校酒醕漓

少小修藏近市朝亦非著意混漁樵不爲禦寇猶爭席好
說淵明更折腰一飯重違凡子約千金終卻故人招送車
幾兩交相唁我獨難忘最久要

悼劉謙之知錄

海內多吾友飄零今幾人相忘尤墮淚欲誅輒傷神余欲元同父祭文皆不勝悲輒止謙之亦然才力矜餘地心期恥後塵溘然無一

語愁殺白頭親

挽王興之提刑

四海王詹事傳家有象賢宦情塵滓外風誼典刑邊遺愛
依前鄭羣居得少連生平纔樂此一夢涕潸然

悼濟陽夫人

久接江山境曾論子姓文於焉觀內則可以繼前聞棗栗
止齋文集卷之九 六

嚴賓豆蘋繁潔祀芬有人言不朽片石合磨雲

挽張春卿尙書

懷抱今遺直身名古象賢路車陳左塾笙磬在東懸再世
星辰上三年雨露邊崎嶇空老去有識共潸然

論建回天力生平與眾同居常焚諫草人自避乘驄朝輿
多張仲家聲近魯公挽詞吾不愧收入汗青中

悼翁仲立達州

憶昔看封事令人激懦衷邊籌皆破的硬語更盤空晚亦
通家好居然與眾同行藏嘗論定誰假一帆風

淮幙何多譽巴城僅一麾最書膚使上好語近臣知筆路
江山煙雲一作久維舟日月遲空懷歸報牘不逮勞還時

挽劉端水司戶

十年共語昨來非長憶初年握手時身世自憐心炯炯功

名猶恐論卑卑民彝亘古非蕪沒學者如公好器資緩纒
徐行逢九軌可堪倏忽九原悲

挽林致賢提舉

一經韋氏學五桂竇儀家每恥鄉評過深懲履道華人方
貴全璧事已墮空花袞袞來黃閣千年置齒牙

挽劉茂實和州

欲課民庸元道州欲評人品馬少游居無一事可切齒薦
有三公方掉頭送公厯陽令我愁目斷賓鴈書沈浮識與
不識涕淚流人世安用須封侯

鄭自明哀詞

并序
脫今據目錄補
此日元

鄉士大夫書說自明果然嗚呼悲夫自明爲太學諸生
數與余遊乾道壬辰同試進士自明不第於是始別別
三四年間自明以釋褐仕於朝而余之再至在所也則

止齋文集卷之九

七

自明寢貴絕出其輩行閒相過語至其歡狎悲壯與在
學校時無異也余丞郡長樂會自明家居待台州闕更
數往來嘗造其所舍僧寺室中蕭然篋輿一乘老牀幾
數隻凡若干口日須婦翁米以爲食而自明意象與在
館閣時亦無異余每語人自明來日甚長也而今死矣
自明言行焯焯在人耳目不但余能言之也余獨悲自
明以喜事嫉邪取名於世而死最不幸好議論者曰是
宜不良死也余觀自明立朝於進對苟得之間里廝役
當諱而不以言上者具以情奏滿朝爲危而自明雖卽
死不悔真若不愛其死者然其事母孝左右不敢違晚
得師友務爲靖恭閒雅不苟坐立雖一飲茹亦必揣度
無害乃下口余嘗羹菌以進自明驚謂曰是可食耶往
聞有食此死者至今不近也自明可謂重其死矣士患

無志有志矣患不見知於上知而少不合輒不持重以究其用亦士之罪也方自明以母老請外去非上意天下皆以旦夕且復用自明又甚自愛而及於此何哉是不謂之天耶故余爲斯文也他不暇論於其死亟致意焉以見余悲且以解議者之惑亦自明之志歟自明長樂人姓鄭氏名鑑詞曰

母曰余兒兮吾莫知其何尤婦曰良人兮吾曷爲罹此憂兄弟不以是咎兮朋友稱其好脩莽不得其故兮庸強名之曰命相彼下堂而貽戚兮或結纓以順聽萬不同咸自取兮曾二者孰失其正聲鬼神之所仇兮人直躬焉是病胥屬鑊忽墮其前兮屈魚腹以爲筭奇禍作於牖下兮顧奚悲而宜慶嗟子何傷兮獨余懷不能以自勝尙或相爾藐孤兮天終焉其有定

今吾莫職其詞大誠
之願天各繼歸曰

止齋先生文集卷之十

內制

慶元改元詔

勅門下朕以眇身託於兆人之上惟日兢兢懼無以紹列聖之休而對^神祖^思也永惟當今之務何者為急非欲百官脩輔而民力裕歟夫親君子遠小人慶厯元祐之所以尊朝廷也省刑罰薄稅斂慶厯元祐之所以惠天下也是彝是訓歷年彌長肆於中興舉偏補蔽皆於此乎取法克至今日中外又寧朕幸蒙遺業繩祖武而敢一日忘此乎掇取美號於紀元詩云不愆不忘率由舊章蓋庶幾周成焉其以明年為慶元元年故茲詔示想宜知悉

哲文神武成孝皇帝梓宮啟攢塗前據奏告祝文

伏以兩楹啟殯六引徂東欲口仍凡之神以卽因山之吉

止齋文集卷之十

敢先虔告用冀安行尚饗

啟攢畢梓宮遷殿皇帝行祭奠禮祝文

伏以厭世上賓終天永歎撤攢塗而卽吉罄薄海以攀號酌奠雖虔瞻言何及尚饗

發引前一日初更總護使行夜祭禮元作祀據目改祝文

伏以三年之制念在終喪七月有期忍當明發共脩祭事

曷究哀悰尚饗

發引前期祭告錢塘錢清江龍神祝文

伏以於昭烈祖將祔思陵方六紼之間津維大川之借助

用伸忱請尚冀明聽尚饗

發引遷奠祝文

伏以仰止龍輅臨於邱隧方少須於筮日庶永安於賓天

昭告何云哀摧罔極尚饗

掩攢前一日奏告昭慈聖獻皇后徽宗皇帝顯恭
皇后顯肅皇后顯仁皇后高宗皇帝憲節皇后攢
宮祝文

伏以思皇烈祖往祔諸陵當復土之及期願在天之垂祐
不震不竦以永萬世之藏來燕來寧如同一堂之上尙饗
掩攢祝文

伏以還車依屆復土維新竟藏橋冢之衣冠莫覩堯天之
雲日永懷弗及隕越何勝尙饗

九虞祭祝文九首

一虞

伏以稽山仰止想祖烈之攸宣清廟肅如悵神游之未泯
於茲易奠何以勝哀尙饗

二虞

止齋文集卷之十

二

伏以歐衣安在曷堪丹旄之思虞凡是憑尙系羹牆之念
道周之薦海內如摧尙饗

三虞

伏以亘古永違貽孫謀之如在自今始吉嗟孺慕之何窮
三薦旣陳長號罔措尙饗

四虞

伏以信信宿宿暫安於神棲子子孫孫永懷於祖武方舟
而濟有淚如傾尙饗

五虞

伏以維堯傳舜俄同閔於衣冠自越入吳迺獨還於斐衛
望如弗及哀曷能勝尙饗

六虞

伏以念茲皇祖忍當昌歎之陳瞻彼昊天痛極胡髯之

恭迎仗衛疑對音咨尙饗

七虞

伏以濤江限斷嘗攝事於攸司郊次森嚴方飭躬於斯薦
振依永已慟哭何云尙饗

八虞

伏以顧瞻橋冢已深萬古之藏想像殄衣尙御重華之舊
反虞將畢追慕采新尙饗

九虞

伏以百神受職來奉於主車三后在天行升於祖廟哀哉
永訣忍此終虞尙饗

掩攢畢謝土神祝文

伏以於皇烈祖來祔思陵允惟百神襄此大事敢忘答貺
更冀明聰呵護之虔永永無斃尙饗

止齋文集卷之十

三

安南國王李龍翰加恩制

敕門下朕宣室受釐言念梯航之遠揚廷孚號載疏綸綍
之恩以昭烈祖之宏摹以篤价藩之丕祉推誠順化秉信
守義奉國履常懷德謹度思忠功臣特進檢校太尉充靜
海軍節度觀察處置等使兼御史大夫上柱國安南國王
食邑一萬戶食實封三千八百戶李龍翰恪勤厥服紹美
於前克提千里之封勿替累朝之好霜露所墜固同洽於
至仁滄海不波蓋良繇於多助維時嗣服有事合宮亦遐
想於彌恭莫共陪於肇祀駿奔在廟雖阻脩黼嘒之儀旅
實充庭嘗與備蕭茅之享肆盼新渥爰廣舊封裒載籍之
名言侈元勳之顯號於戲閱予訪落疇在公助祭之勞嘉
乃象賢謹與國成休之度於焉申錫其尙欽承可依前特
進檢校太尉充靜海軍節度觀察處置等使兼御史大夫

上柱國安南國王加食邑一千戶食實封四百仍加濟美功臣散官勳如故主者施行

賜徽猷閣學士太中大夫知襄陽府張杓辭免改差知建康府恩命乞在外宮觀不允詔

勅具官某省所上表辭免恩命事具悉爾獨不聞故國世臣之說乎而來諗疾也夫保墳墓孰與成先正之美休祠館孰與圖累朝之報智者當有所擇矣式遘其驅毋事多遜所辭宜不允

賜文武百寮宰臣趙汝愚等上表請皇帝還內不允批答

省表具之朕遭家多難懷乎懼不足以當大事賴天之靈宗廟之祐迺者壬寅獲與同軌祔烈祖於思陵而遣車徂東虞主未返仰止稽山明發不寐皇皇望望未知所爲也

止齋文集卷之十

四

公卿百辟其何以慰朕而欲徇故常之請還廣內乎方將稟命於上皇以供養仍凡虞侍兩宮爲事所請宜不允

凡元說

賜趙汝愚等再上表請皇帝還內宜允批答

省表具之夫會朝之囂謹非所以示下宿衛之暴露非所以持久朕豈不孰慮此歟但以任姒之養未忍遽離阜陵復土蓋

元作蓋

亦宿留是用却前請而勿聽也今承命三宮

皆曰不可百辟卿士又懇懇以爲言朕惟捨獨見以從眾允徇大權而勝私誼自古后王鮮不由此顧如沖人其敢拂親尊之意抑臣庶而弗省乎所請宜允

止齋先生文集卷之十一

外制自紹熙四年正月以後

皇后歸謁家廟親姪忠訓郎閤門宣贊舍人幹辦軍頭司李孝純武經郎帶御器械幹辦皇城司李孝友各特轉右武郎

敕具官某等朕惟古后妃有求賢審官之志而不私謁而人主則特隆於肺腑之親夫惟后妃彌遜人主彌恩斯可觀已日者吾后省家廟爾某皆以猶子祇服厥事朕何愛一橫行郎而不以寵汝惟無忝爾祖以長守富貴則予汝嘉可

皇后親姊故任武節郎閤門宣贊舍人致仕霍漢臣妻平涼郡夫人李氏封成國夫人故任武經郎致仕馬煥妻安化郡夫人李氏封信國夫人忠訓

止齋文集卷之十一

郎口士廉妻彭原郡夫人李氏封崇國夫人

敕朕惟古后妃有求賢審官之志而不私謁而人主特隆於肺腑之親夫惟后妃彌遜人主彌恩斯可觀已具位某氏夙以淑惠友于坤儀日者翟車還省家廟越來相事禮無違者其益湯沐視君夫人尙服寵榮以綏壽祉可

皇后親姪孫承節郎李瑜李璨元誤繁據日正各轉兩官

敕具官某等日者吾后還省家廟朕循故事推恩后族自尊及卑罔或遺者爾以幸會爰進二階豈不榮哉尙務靖其以綏爾祉可

皇后親姪婦故忠訓郎贈文州刺史李斌妻安人

潘氏右武郎帶御器械幹辦皇城司李孝友妻安

人趙氏親姪女通直郎充點檢贍軍激賞酒庫所

幹辦公事韓松妻安人李氏並特封恭人親姪孫

孫女右武郎帶御器械幹辦皇城司李孝友女孫
人李氏特封安人

敕具位某氏朕惟古后妃有求賢審官之志而不私謁而
人主則特隆於肺腑之親夫惟后妃彌遜人主彌恩斯可
觀已日者吾后省家廟爾以猶子實來相禮朕嘉與之用
益汝封尚服寵榮以無違我齊家之化可

皇后親姪女夫通直郎充點檢贍軍激賞酒庫所
幹辦公事韓松特轉一官

敕具官某日者吾后還省家廟朕循故事且酌有司之議
推恩后黨而爾來自勳閎雅有能稱眷在甥館亦與幸會
至於增秩豈不榮哉尚務靖共以綏爾祿可

皇后親姪女之子從事郎韓大用大任各循兩資
敕具官某朕惟古后妃有求賢審官之志而不私謁而人

止齋文集卷之十一

二

主則特隆於肺腑之親夫惟后妃彌遜人主彌恩斯可觀
已日者吾后省家廟爾等迺以諸甥亦與幸會例進兩階
豈不榮哉尚服寵章無忘忠報可

皇后親屬進武校尉韓大有特轉承信郎

敕具官某日者吾后還省家廟朕循故事且酌有司之議
推恩后黨而爾以諸甥亦與幸會例進一階豈不榮哉尚
服寵章無忘忠報可

皇后閣提舉官武功大夫帶御器械楊舜卿轉觀
察使

敕具官某等方周盛時后妃永懷賢士大夫僕馬俱病而
不敢私謁於上徒欲爲觴酒勞苦之而竟不可得慨嘆而
已爾服勞官闕迺以吾后有事家廟之恩至將廢車豈不
榮哉而榮之周人何其幸也尚服寵章無忘忠報可

皇后幹辦宅從義郎張友直忠訓郎沈直作植

特轉一官

敕具官某等朕酌有司之議推恩后族而及其私人爾等適與幸會各進一階其尚恪恭毋替爾事可

隨龍脩武郎閣門祇候兼皇后閣主管進奉袁佐

額內翰林醫官太醫局教授王良佐成安郎陳翊

額內翰林醫官郭儀忠訓郎幹辦人船伊昱忠訓

郎主管文字傅昌時忠訓郎掌牋奏劉玘忠翊郎

主管進奉周良臣成忠郎掌牋奏黃允文隨龍成

忠郎浙西安撫司准備將領主管進奉趙友信成

忠郎私名掌牋奏吳衍保義郎王寔費師旦承信

郎陳琪承信郎轉運司准備差使王演承信郎魏

嘉言承節郎薛拱承節郎幹辦人船李祓進武校

止齋文集卷之十一

三

尉私名掌牋李大受該遇皇后歸謁家廟並特轉

一官

敕具官某等日者吾后還省家廟朕循故事且酌有司之議推恩后黨而及其私人爾等各以幸會至於增秩豈不榮哉尚務肅給毋怠其事可

秉義郎韓侂胄特授閣門舍人

敕具官某朕永惟舊相有勳勞於我家而其裔孫或蒙戚里之澤越在右階無以著見唯是試之後省以發其文官之上閣以華其選尚庶幾焉爾其懋哉用俟明陟可

皇伯太師嗣秀王伯圭合得冠帔一十五道並特

換封孺人賜親屬內欲將一名與故妻秦國夫人

妹宋氏封孺人

敕某氏古稱勳賢之勞則及其私人况所尊敬自吾壽

皇以兄禮之者乎況其君夫人父之同產子乎以其地恩爵爲命婦雖過於惠朕何愛焉可

閤門宣贊舍人游恭特授武德郎落閤職權發遣
臨安府兵馬鈐轄

敕具官某爾男疑當爲勇爵也習於階廉之儀而不閑軍旅之事非設官之意矣第其久勞優以增秩試移賓政往治戎韜其務赴功以須器使可

起復武功大夫文州刺史興元府駐劄御前右軍
統制兼知鳳州郭諤特轉復州團練使令再任

敕具官某朕以禁旅扞邊而擇將以撫馭之閱歲云久西顧晏然方眷其勞就進戎團之峻尙難其代故遲瓜戍之更爾其茂對新恩踐修舊績式嚴戎律兼緝郡條朕不汝忘將有明陟可

止齋文集卷之十一

四

皇兄沂州防禦使權主奉吳王祭祀多才磨勘轉
明州觀察使

敕朕崇長宗支以綿帝繫高爵厚祿宜與共之而猶計歲課勞循次而進所以昭至公謹成憲也具官某信厚以爲質靖共以自將入不恃家人之恩而出無違於闕庭之禮況以尊屬於今幾人則徑陟廉車誰曰不可而必中有司之度積十年然後進之豈朕有所愛哉然而身無吏事之責秩比法從之崇其視匪躬盡瘁沒齒下僚者又何其幸也宜對殊渥無忝所生可

武功大夫和目錄作利州防禦使權知閤門事兼客省

四方館事韓侂胄特與落階官臣寮繳奏特與轉
行右武大夫

敕嘉祐治平之間爾先正可謂社稷臣矣肆列聖寵嘉之

施及子孫簡在戚里於焉尙主於焉納后凡可以熾韓氏之門者無愛也具官某蚤以才稱薦膺器使庀職上閣宣勞累年唯彼橫行賞典所吝獨以命汝庸示殊恩一以懽慈福之心一以大忠獻之後盡亦自勉庶穆羣言可

武功大夫集慶軍承宣使入內內侍省副都知張安仁除入內內侍省都知武功大夫祁州團練使入內內侍省押班李彥正除入內內侍省副都知敕具官某朕嘗稽之周制內宰隸於天官夫古道誠未易復也至於建隆舊章尙有宣徽院之籍今亦廢矣而別爲北司則爲之長者顧不當謹擇其人乎是用命爾以肅禁中蓋親近之久識察之詳矣其益靖其以身率屬毋使外廷謂汝不稱可

武功大夫和州防禦使帶御器械于惟修武功大

止齋文集卷之十一

五

夫明州觀察使帶御器械楊舜卿並除入內內侍省押班

敕具官某自宣徽院之籍廢而北司之長蓋難其人朕旣差擇之矣則參伍其間以相內治苟不有以自異於輩行而識風指謹憲度者皆不在此選也然則爾名在四人之數蓋亦思報稱者哉可

張祐正係隨龍祇應勤勞特補承信郎

敕某日第攀附之勞而偶遺汝蓋累年於此矣爰詔有司授之初官以見朕懷不忘疇昔可

武節郎御前祇應鄭孝友應奉有勞特轉一官

敕具官某服勞左右雖無顯庸閔日進官亦國之舊可

殿前指揮使左班年代上名劉成等十五人授修

武郎許元等三人授訓武郎御龍直上名方正等

三人授忠訓郎殿前指揮使左右班守闕行門蔣榮等十三人授從義郎東第一班上名婁勝等四人授承節郎散直上名孟端等七人授承信郎敕某等饗衛士而遣之古也而命以官則彌恩矣往祇吏職毋替忠勞可

皇弟右監門衛大將軍復州團練使多助皇弟右監門衛大將軍成州團練使多能實及一十年並該磨勘轉防禦使

敕具官某等朕崇長宗支以綿帝繫而猶計歲課勞循次而進所以昭至公謹成憲也以爾靖其簡在近屬眷焉增秩誰曰不宜而須暇十年以中有司之度豈顧有所愛哉以此風厲則爲士者勸矣可

入內侍省東頭供奉官降授寄資武功大夫遙

止齋文集卷之十一

六

郡刺史霍汝翼轉歸吏部除帶御器械

敕具官某自以諸司使改今寄祿官而內侍與戎行雜矣然而名不在銓曹之籍則猶非秩官是則異焉耳轉而屬銓斯爲寵渥爾其敬哉毋曰序進可

招箭班殿侍警彥澤在班及十五年補承節目錄作信

郎仍舊存留在班祇應

敕具官某方罷遣衛士而次第官使之爾以藝成令祇舊次宜益矜奮以須後恩可

瀘州軍變守臣張孝芳被害特贈三官與兩子恩
澤

敕具官某朕觀春秋書盜殺某人夫謂之盜則非死者之罪矣蓋喟然嘆曰士大夫或死於不幸而無所歸咎者焉則其所遭之變非必有以取之此仁君之所務白也國家

閒暇士馬飽逸受命分間尊重難危而爾曾無咎端獨罹不測之禍夷考其治皆率故常則盜起帳下非春秋之所不罪者歟雖然世無叛兵久矣庸人爲將高枕有餘爾以名流顧至於此恤典之隆豈但汝哀亦以使繼今者之知懼焉可

瀘州被害官兵故節度推官杜美贈兩資與一子
下州文學故忠訓郎瀘州駐泊兵馬監押安彥斌
贈三官與一子承信郎故下班祇應潼川府鈐轄
司指使雷世忠贈承信郎

敕具官某等苟能效死於其上皆忠孝之徒也瀘盜之興爾等義不顧身各死於帥恤典之厚朕豈有所愛哉可

儒林郎前瀘州安撫司幹官郭仲傳目錄作傳失覺察
本廳虞候張信爲亂首亂作復與賊宴飲相爲賓

主特降三資放罷
止齋文集卷之十一 七

敕具官某帥死於亂卒而爾爲屬顧欲以卑調自全可乎
削之三階尙用中典繼今有恥亦豈汝棄可

太史局測驗渾儀刻漏所學生周奕特補挈壺正
敕某今官類非古稱謂而挈壺氏見於周官爾以諸生駟
致於此亦宜知所職矣可

脩武郎閣門看班祇候霍寬夫供職實及二年與
落看班二字

敕具官某課其年勞正其名稱非徒以敘遷也由是而釋
煩辱之事則宜知自貴重矣可

禮元脫據宋史部侍郎倪思該元誤訪據脩至尊
禮倪思傳補壽皇聖帝聖政特轉一官

敕昔者仲尼序書斷自二典以爲堯舜揖遜之美後世弗

可及矣矧惟我家父作子述不待倦勤親相授受蓋視帝
者有光焉則聖政之作豈不足以匹休虞書哉具官某以
折衷六藝之學發明心傳以同風三代之文揚厲治效作
宋一藝垂之無窮及此奏篇朕爲之序日上慈宸壽皇嘉
焉藉使仲尼在宜如何表異之而有司以故事第賞爰進
一官此朕之所甚不愛也可

祕書省著作郎黃由沈有開著作佐郎李唐卿王
容太常丞兼國史日麻所編類聖政檢討官章穎
將作少監黃艾並該脩進至尊壽皇聖帝聖政內
黃艾係經脩不經進各特轉一官

敕具官某等昔者仲尼序書斷自二典以爲堯舜揖遜之
美後世弗可及矣矧惟我家父作子述不待倦勤親相授
受蓋視帝者有光焉則聖政之作豈不足以匹休虞書哉
爾等各以名儒載筆東觀作宋一藝垂之無窮及此奏篇

止齋文集卷之十一

八

朕爲之序日上慈宸壽皇嘉焉藉使仲尼在宜如何表異
之而有司以故事第賞爰進一官此朕之所甚不愛也可

承信郎監潭州南嶽廟徐靖忠訓郎祕書省書庫
官盛端友訓武郎監祕書省門梁周弼翊郎趙章
該進至尊壽皇聖帝聖政各轉一官

敕具官某皆賞典也而他以待煩辱之勞至以隸書局進
官則稍寵矣爾尙勉思無忘忠報可

武功大夫降授昌州刺史帶御器械霍汝翼該進
至尊壽皇聖帝聖政特轉成州團練使

敕具官某鈇槩之勞繫學士大夫力也而無人乎其閒則
安能關乙夜之覽今也奏牘來上俞音不遲慈庭有憚冊
府政觀是誰之助歟則以爾靖恭實與執事逼達中外其

勞實多夫以文字得官皆德賞也進之遙刺孰曰不可其尚勉思以稱殊渥可

宗正少卿鄭汝諧奉使回特轉一官

敕具官某爾以老師宿儒銜命萬里脩隣好於北庭摺紳往往憫勞汝矣朕觀春秋使聘之際楚人欲傲晉叔向以其所不知而不能晉人亦曰鄭子產博物君子也而皆異其禮有以大國而微老師宿儒專對四方非所以令遠人見也迨茲歸報亶焉無闕而書勞進秩但循故事豈朕所以相勞苦之意哉爾其少休嗣有寵數可

閣門舍人兼皇子嘉王府內知客譙令雍奉使回特轉一官

敕具官某擯上閣之儀聯朱邸之事皆華選也爾以趣操文藻至於其二可謂吾親臣矣是用命爾介於虜使銜命萬里脩歲聘於北庭迨茲歸報亶焉無闕則朕所以相勞苦之意何但循故事增秩哉有它掄用朕不汝忘可

止齋文集卷之十一 九

奉使親屬一員淮東安撫司幹辦公事譙令憲准備差遣一員新監明州贍軍酒庫黃仁裕書狀官一員新明州昌國縣主簿楊正臣指使將仕郎葉時中將仕郎鄭如等回程各轉一官

敕具官某等凡出疆者有賞所以勞苦之也爾隸使事與於驅馳迨茲歸報書勞進秩蓋國舊章朕豈汝吝可

閣門宣贊舍人宋克俊夏允言閣門祇候蔡唐卿來處恭並該應奉元誤舉據目正人使十次賞各轉一官

敕具官某等贊儀上閣能與聘客周旋十不失一亦既勞矣課效增秩蓋國舊章尚益靖其以須器使可

浙江湖神順濟廟善利侯祈禱感應特加惠請

字

敕某神朕固不為祕祠專鄉其福也至四方長吏有為吾民請曰某山川之神能惠其境中則褒崇之典朕靡愛焉以庶幾古蜡百神之義矧惟濤江近在寰內而有司以報禮未稱將侈大之用錫美名以從民欲神尚終惠使世世享可

袁州仰山神特加父母妃及

元誤施據目改正

子婦封號

敕某神等朕固不為祕祠專鄉其福也至四方長吏有為吾民請曰某山川之神能惠其境中則褒崇之典朕靡愛焉以庶幾古蜡百神之義惟仰山之神禮以王祀而自江以西猶未慰滿是用推本父母施及子婦或隆品秩或衍稱號朕所以寵嘉神貺以從民欲者如何哉尚終惠之俾世世享可

止齋文集卷之十一

十一

知平江府沈揆奏五龍靈濟廟乞加封第一位龍

王封東靈侯第二位龍王封西下疑脫侯第三位

龍王封中下疑脫侯第四位龍王封南平侯第五

位龍王封北靈侯

敕某神等朕雖不令祠官祝釐專鄉獨美至四方長吏有為吾民請曰某山川之神能惠於其方則褒崇之典朕靡愛焉以庶幾古蜡百神之義矧惟五龍以時節雨暘功著近甸雖良二千石雅不言禳祥而具道所以然之故文詞爛焉爰錫命書秩以侯爵則所以寵嘉神貺以從民欲者何如哉尚終惠之俾世世享可

懷安軍金堂縣進士黎崇禮年一百三歲遇大禮

恩特補迪功郎致仕

敕某昔在元祐合祭於園邱之歲而汝以生於今五朝矣

朕方奉觴兩宮爲萬歲壽乃如高年甚心羨之爰因郊賚
登諸仕版以見吾貴老近親之意且以教天下之孝也可
翰林醫愈充重華宮擺鋪軍兵醫治兼臨安府駐
泊看醫邢守中到官及二年轉額外翰林醫痊
敕具官某天官之屬六十而醫命士二十有八人周家之
重醫也如此再歲無失爰進一官此又吾家法也往服明
恩毋怠爾事可

